



ست البنات



شهاده ميلادها
اوراق اعتمادها
مكتوب في بطاقتها
ست البنات
اللي يندهلها ومش
عارف اسمها
بيقلها
يا ست البنات
لو جابو سيرتها
او شافو صورتها
بيقول حالاتها
ست البنات



كل اللي حولها
وعينه عليها
يقول رأييه فيها
دي ست البنات
جميله في كل الحالات
معروفه بقبولها
ساعه دخولها
اي محلات
صورتها بتعشقها
المرايات
الشمس ساعه غروبها
تستازنها عشان تبات
باي انا مروحه يا



ست البنات
وييجي القمر متنشن
ساكت بهدوء يجنن
عشان ديما منفسن
من ست البنات
نستني اللي فات
بختار فين أبوسك
دخل فيروسك
مسح كل الملفات
ست في البنات
طفلة في الستات
مثالية في الأمهات
زايدة في كل حاجة



بشوية حاجات
تجسيد فعلي لكلمة
تبات ونبات
مفيش منك نسخة تانية
تمثالك معمول بمهارة
علي يد أشطر نحات
كنتي أجمل أعماله
بس يا خسارة
رسمك ومات

